

Ава

Аялгазы: Ростислав Кенденбильдии

Ажы-төлдүң чүрээн чылдыр

Ава дээрге, хүн дег чаңгыс

Хүннүң изиг херелинден

Күжүр ие холу чылыг.

Авыралдыг ава киж:

“Кызым, оглум канчап чор?” – деп,

Кыржаң соокта, ышкам хүндүс

Ажаанзырап, човаан орап.

Амыдырал мөңгези дег,

Аваларга назын турбас.

Кедээр сында шиви, пөш дег,

Кезээ шагда чалыы чараш.

Бүгү күжүн авазы дээш,

Бүрүн четче үндүрзе-даа,

Чаңгыс дүне ажааганын

Чандырыпкан ындыг төл чок.